

瞻所冀真庭隆盛四海欽崇感至聖之親遊
傳無為之妙訣重念臣等在法門之日淺或
求師之未深不知教法之宗平誠感儀之理
遂致為人作福多無立應之功依教行持鮮
有感通之效切慮四司檢罪上帝言非以今

皈命首陳願希恩宥更冀祈求感格教法廣
被於十方禮念朝真經誥普宜於四遠人天
敬仰壇信清芳皆當潤澤之恩盡獲尾鴻之
福臣等無任再三皈命懇請之至酒陳終獻

散花

具位臣某謹重誠上啓上謝

九清十極萬聖千真醮筵感降一切真靈臣
等伏聞聖真遐邇妙隱玄中之玄道境高虛
端居象外之象仗薰芳而按景惟至懇以達
神元造無私洞回昭鑒臣等庸陳有注仰叩
真仙自揣行藏多生遭遇履吾皇之化宜
揚大道之風福資人天溥資存沒身披羽服
足履星壇已逾十載之榮早泰百生之幸自
恨三關未靜一性猶昏眼前之五欲六情安
能暫捨身中之三災九厄寧不慚來又慮學

昧神明情昏實誤難認忘筌之理豈明脫識
之門晨夕付思將何首露是以虔依科律封
奏心詞度已往之愆辜解未來之厄會伏願
洪慈廣布錫雨靈之深恩浩福避單贊山河
之惠澤青龍白虎常施庇佑之功皓鶴玄龜

克協年齡之慶又慮瞻星望聖觸非常身著
異衣口談道就六賊而尤甚食五味以仍多
不敬師尊輕違天地攀緣妄起損害舍生願
憑香火之功俱獲消穰之路所冀靈關朗照
慧性高明得長生久視之書悟大藥金丹之

術先師法屬相識宗親盡離幽暗之鄉俱入

光明之界飛潛蠢動有識舍生普賴道慈至
躋壽域臣等凝瞻法從結想太空極恨塵波
難留聖蹟臣等下情不勝攀戀之至謹稽首
奉送

送聖 化財
向來 回向

道門科範大全集卷之七十三

道門科範大全集卷之七十四

道士修真謝罪十方懺儀

甲五

東方懺謝不能

衆等伏聞木生於三得成形於天地帝出乎
震育萬物於屯蒙青龍司歲奮之先北斗轉

天關之始少陽所莊感德難名今謹有佩錄
道士某等夙代清修今生慶會感師恩而昇
付依教法以操持尚慚根器淺微靈源障塞
行道而不知道未嘗觀空養形而不能忘
形動昏執相或馳說而自滿自圓或聞道而

若存若亡富貴貧賤之間不能齊物喜怒哀
惡之觸必致焚和何以混天人之同塗了生
死之一致負上聖獎成之大德違玄師化度
之格言結罪自於三官落仙名於五帝敬伸
懺謝仰乞恩憐謹齋香花法信供養之儀至
心皈命

東方無極太上靈寶天尊九炁天君東鄉神
仙諸靈管仰惟上德好生至仁利物青書宥
過東華定仙開虛無自然之心授太一合真
之道匪遲匪疾綿承承而不窮無門無旁洞

皇皇之四達化天下回心而嚮道均聖人一視以同仁得道之後昇入無形和與道合真

南方 懺謝不能為 國報恩之罪

衆等伏聞虛中作離萬物相見而長養次二曰大人繼明而照臨交於木而化育生靈資於水而陶鑄品彙至士所稟大功克成今謹有佩錄道士某某等生處中華身陶聖化惟皇在御聽民所歸俾承清淨之風有補聖明之化而以棲遲苟活休息自安無懷道抱德之實以化人之還淳返素之用而復古飾人間之禮樂希世上之功名空叨水土之恩濫處簪裳之列南官仙籍無覓行之可書銜猷陰曹記愆尤之無數惟聖人南面而聽治惟國家盛德以御天既請命於蒼穹敢歸心於分野謹齋香花法信供養之儀至心歸命

南方無極太上靈寶天尊三炁天君南鄉神仙諸靈官仰惟盛德在火聖人嚮明享壽考於萬民綿本支於百世次願佩錄道士某某等六司宥過三炁流光在藏為心以虛受人而神應常靜於時為夏納陰居內而火亦不流

俾能抱一而守中庶可長生而度世得道之後昇入無形和與道合真

西方 懺謝不能補報 祖九父母之罪

衆等伏聞嚴凝而義物咸賴以西成尊正而和民率歸於允說先肅殺而輔大化後靜退而表少陰順天應人剛中柔外今謹有佩錄道士某某等世秉善念身奉玄司感父母之生成荷祖宗之積累而未闕禁戒多昧稟修八節不進於表章五臟不嚴於祭祀纒分形器生生皆自於親恩雖隔古今世世有虧於子職顧父母慈而無憾惟天地公而無私自作之孽難逃不孝之愆無敢忘悔艾恭致首陳馳誠於七寶金門注想於西那玉國乃上智問報恩之境依元尊尊說法之宮謹齋香花法信供養之儀至心歸命

西方無極太上靈寶天尊七炁天君西鄉神仙諸靈官仰惟金光下燭玉簡昭回祖先俱沐於昇遷父母各增於殊勝次願佩錄道士某某等西龜投道謁仙母而鍊甲庚金虎居離交真龍而入戊巳無暴其氣而真元自守不

勞手神而壽命無期魔試不侵心源自定得道之後昇入無形和與道合真

北方 懺謝不能 師恩之罪

衆等伏聞太極未分合三才而混沌五行既判因一炁以循環陽伏於內而萬物藏辰居其所而衆星拱樞機造化主宰生靈今謹有佩錄道士某某等識匪生知理難自得獲處道家之列率由師匠之恩始自訓提知孝悌忠信之大本迄于傳度指虛無清淨之真秉德參天地之高恩踰父母之大而以尊承素昧給養有虧負振衣授道之恩違教血引盟之誓泄機微於塵世傳道秘於非人至於遇禍以招殃尚復怨師而咎道想罪書於九府恐身謝於三官謂迎師則北面以尊崇故謝過望坎宮而懇請謹齋香花法信供養之儀至心歸命

北方無極太上靈寶天尊五炁天君北鄉神仙諸靈官仰惟北辰掌握於仙名壁宿主張於道術宗師傳度永隆弘教之心保舉監盟益務成人之美無師不度有翼必飛俱諧功

行之圓共證昇仙之果得道之後昇入無形和與道合真

東北方 穢謝行最宜科 不精不法之罪

衆等伏聞神功不宰為天地之始於妙本自然運陰陽之動止伸其轉物之手授以出震之龍變化有常推移不忒今謹有佩錄道士某某等本太上之子為道家者流未能隱谷以存神約以居鄺而演教而以誠心易散妙法難精宜科而條理乖張臨事而威儀跛倚想法亂而六魔相笑存思缺而萬神不居願力○么微幽明無所依賴性情撓亂天人難以感通不能契聖以契凡孰為成物而成務恐黑書之紀過慶仙籍之斷功苟慢自陳必貽陰譴謹齋香花法信供養之儀至心歸命

形和與道合真

東南方 穢謝不嚴故奉 經戒符籙之罪

衆等伏聞元化裁形必有主張之者靈風煦物冥司命令之權齊乎異而振美盛明輔以箕而欲揚鼓舞大德至隱百姓何知今謹有佩錄道士某某等擬贊凡胎棲身道塵優游琳宇或不謹於焚修左右洞章或不嚴於敬重佩錄而踰階越次持齋而廢日亂時官將吏兵三會而不言功賞衣冠劍履常居而多見混淆道力寡淺而尸鬼交攻戒行細微而威神不護通經而駁雜本旨小智自私行教而○訟襲浮辭大厚未至所以奉天而事無響應違科而罪與生俱用陳懺謝之儀以冀赦原之澤謹齋香花法信供養之儀至心歸命

西南方 穢謝不能虛 已接物之罪

衆等伏聞承天至順配剛健以成形行地無疆擴含弘而役物陰功莫大厚德難名今謹有佩錄道士某某等稟秀五行獨靈萬物均有生於塵世幸入道於玄門益宜自化以修心庶可虛舍而接物自以不能御氣動必縱情不和其心而與物交爭不順其身而與世相作無一德而為常安之術合兩怒則多溢惡之言護短而已不自知斂怨而人豈無憾緣於心而傷和氣溺於言而汚法身與人並立○而無以化人偽道養形而未能造道敢昧自欺之過以貽天降之殃敬負罪以首陳擔責躬而後改謹齋香花法信供養之儀至心歸命

西南方無極太上靈寶天尊梵炁天君西南

鄉神仙諸靈官仰惟坤儀至信地道流謙願分厚德載物之休光使有常善救人之功用虛明道性一順逆以和融粹熱心聲謹樞機而安定福將自至禍莫由生更祈不動之仁盡赦從前之罪得道之後昇入無形和與道

東北方無極太上靈寶天尊梵炁天君東北

方神仙諸靈官仰惟申救四司告聞九府復功行於銖積寸累救過尤而霧捲雲披驛意傳言感應聲而上徹升章謁款俾隨願以克諧然後抗志雲阿棲身山洞得道遠於一世之上息輪轉於三界之中得道之後昇入無

合真

西北方儀謝法天象地履斗魁神之罪

衆等伏聞太極含三兩儀判而定位軋元用九萬物親而流形得一氣以貞純御飛龍而不息發揮八卦保合太和今謹有佩錄道士

某某等宅志希夷游心浩素內存神而鍊道外行教以化人雖科法之具存豈凡庸之是任重以形神至濁道行無聞攢星斗於我冠飾雲霞於羽服躡魁罡於履屐之下地穢人凡驅神鬼於掌握之中功微德薄踐八卦之文於壇墀降十方之氣於身田或養胎息於三元暗竊陰陽之氣或鍊內丹於九轉高奔日月之光素非仙相之人冒學聖功之道無非僭越有犯先靈敬伸懺謝之誠以道謹尤之責謹齋香花法信供養之儀至心歸命

西北方無極太上靈寶天尊梵炁天君西北鄉神仙諸靈官仰惟軋元至健天道弗違錫以純陽為換塵凡之胎骨示其要道使知仙化之根元四體安和百神鎮守庶精修於上法得無愧於前功得道之後昇入無形和與

道合真

上方儀謝法世不知覆載冒犯三光之罪

衆等伏聞梵炁彌羅上極虛無之界元網流演化開萬億之天洪惟至道之尊統御自然之化神功不宰浩劫長存今謹有佩錄道士

某某等自無始以來至有形之後一靈凋喪莫還五太之淳六賊沉迷自致三生之業曾超於慾界色界之內復墮輪迴嘗修於小乘中乘之因自生退轉或居中土而本原不返或處殊方而聲教無聞大乘之道果難成三界之業輪易轉戴天履地負陰抱陽莫酬覆燾之恩動有乖張之罪四序寒暄之愆感嗟怨天時三辰經緯之昭明犯衝光景逆數千生之罪貫盈萬種之愆從此自新願垂肆赦謹齋香花法信供養之儀至心歸命

上方無極太上靈寶天尊三十六天帝君玉京仙都紫微金闕三清三界梵炁天君上鄉神仙諸靈官仰冀大道宣慈高真垂憫下方之世界救萬劫之愆尤紫微太微催促舉仙之運南斗北斗解消臨命之災元精滿於

泥丸真炁凝於靈府神明來舍臍腑清涼慧性高明福緣殊勝得至人之降接指道學之玄微回化有情同登無漏得道之後昇入無形和與道合真

下方儀謝法世不知覆載冒犯三光之罪

衆等伏聞大方無隅擴八紘而厚載元形統地含萬物以化生惟后土之司權分百靈之受事不言而信得一以寧今謹有佩錄道士某某等有生於混沌之初失道於洪荒之後仁義禮智與大偽之並出賢愚善惡稟天性之自然率為棄本之人動有貪生之過質萬物而致養不知覆載之恩縱一已而自安不念飢寒之者極口腹之欲而恣傷生類侈服用之美而枉害成形莫知反身習為常性五嶽四瀆之府罪目紛紜鄴都臬曲之司黑書委積幸今世潛身於道陰盡千生訟過於玄司誓修未來庶臻無咎謹齋香花法信供養之儀至心歸命

下方無極太上靈寶天尊高皇九土十二仙真后土太靈四瀆五嶽下方世界一切神仙

諸靈官伏願眾靈赴感厚德有容敷在宥之
渥恩赦無邊之深過圓融善念發開惠源靜
重柔和成與物而無礙虛無清淨早證道以
長生上窮碧落之高下極黃泉之杳人皆反
本物咸遂生得道之後昇入無形和與道合
真

道門科範大全集卷之七十四

道門科範大全集卷之七十五七十六 七十七 卷甲六

廣成 先生 杜光庭 剛

上清昇化仙度遷神道場儀

此儀用黃籙修真十戒用明真宿啓儀乃
五鍊生尸古儀宿啓也所以有遷拔滅度
之魂之句萬福天師著同學行道儀始自
疾苦至于終亡皆須懺謝救拔解災悔過
且夫修道昇仙非師不度超凡證聖非友
不成師猶父母也同學爲兄弟也得不敢
孝友愛承順和悅以遵其教手師資同學
既離親戚棲庇山林骨肉遠矣親愛踈矣
一旦有疾惟門人同學爲其選備方藥營
修藥飲以療之其或修短有常奄從淪化
即當誦經行道拜章上表懺罪謝愆以相
遷度生死道義惟此爲先師友淪沒弟子
同學皆當齊集以高德者爲法師其餘依
位次第沐浴更衣可設壇出官關啓行事
疾厄危切亡歿極傷應急就修不須宿啓
各在依位主其職司爾其事若宿啓即依
常法

清旦行道

法事陞壇如式

各禮師存念如法

宣衛靈呪

金真錄霞 煥映三天 飛雲丹霄 諸天控轄
晨暉啓旦 陰翳俱捐 九微震空 五星回旋
萬天感應 自然妙玄 杳冥散佈 分形百千
玄珠光耀 瑞降壇輒 幽明蒙惠 灌鍊金泉
魔王恐懼 合景三田 與道合真

鳴法鼓二十四通

無上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官合三十六人出出者嚴裝
顯服冠帶垂纓關啓玄壇土地方域神真臣
今清旦燒香行道謹奉爲入意其諸情悃已
錄奏聞願得
太上十方至真道炁靈寶瑞光下降流入臣
身中令臣所啓速達徑御
太上無極大道